

天台集

天

香

集

天台集

四庫全書珍本初集

集
總集
部類

詳校官中書臣張姚成

助教臣常循覆勘

商務印書館
中華書局
處委託景印
物院加蓋文淵閣
本

欽定四庫全書

集部八

天台前集

總集類

提要

臣等謹案天台前集三卷前集別編一卷續集三卷續集別編六卷皆袁集天台題詠前集宋李庚原本林師歲等增修皆錄唐以前詩成于寧宗嘉定元年戊辰有郡守宣城李兼序前集別編一卷則師歲子表民所輯補

又附拾遺詩十二首有陳耆卿跋及表民自
記題癸未小至乃嘉定十六年續集前二卷
亦李庚原本後一卷則師藏林登李次蒼等
所彙錄皆宋初迄宣政間人之詩亦成于嘉
定元年後附拾遺詩七首跋稱得此于會稽
鬻書者十年今刻之續集後似亦為表民所
題也續集別編則表民以所得南渡後諸人
之詩及續集內闕載者次第裒次而成前五

卷末有表民自跋題戊申中秋乃理宗淳祐
八年後一卷末題庚戌夏五則淳祐十年蓋
父子相繼甄輯歷四十年而後成書也庚字
子長其爵里無考惟李兼序有李榮出其先
公御史所哀文集語又有寓公李公語則嘗
官御史而流寓天台者也師歲字詠道臨海
人嘗官州學學諭表民字逢吉與林登李次
暮仕履均不可考表民別有赤城集詩文兼

載此集則有詩而無文雖僅方隅之賦詠而遺集淪亡者每藉此以幸存百一足為考古者採撫之所資固當與會稽掇英總集諸書並傳不廢矣此為明初刊本而前集後題台州州學教授姚宜中校勘一行前集別編後題台州州學教授姜一容點檢一行蓋原從宋刻翻雕故尚仍舊式惟每集下以元亨利貞四字分編案貞乃宋仁宗嫌名宋代諸書

例皆改避師歲等不應于標目之中顯觸廟
諱殆重刊者所妄加歟乾隆四十四年五月
恭校上

總纂官

臣紀昀臣陸錫熊臣孫士毅

總校官

臣陸費墀

天台集原序

州為一集在昔有之近歲東南郡皆有集凡域內文什
彙次悉備非特夸好事資博聞也於其山川土宇民風
士習互可攷見然則州集其地志之遺乎天台以山名
州自孫興公賦行江左迄今千禩大篇舂容短章寂寥
未聞省錄之者予來經年思會粹為一編書顧無其暇
方延諸儒議修圖課謂茲尤所先急一日州士李榮昆
仲出其先公御史所裒文集四帙以為貺已而州學諭

林師葢又示唐宋詩三百餘篇於是摭取前代之作刪重補佚而增其未備為賦三詩歌行合二百梓而刻之自餘續集傳焉嗚呼亦可以為富矣不出戶庭而盡睹海山之勝不費探討而坐獲巾笥之藏天下之事成於有志其理固然未有若是之捷且速也圖諜雖未亟就觀此集斯過半矣嘉定改元重五後一日宣城李兼序

總校官進士臣繆琪

校對官中書臣范鏊

謄錄監生臣周桐

欽定四庫全書

天台前集卷上

宋 林師歲 編

天台山賦

并序

孫 綽

天台山者蓋山嶽之神秀也涉海則有方丈蓬萊登陸
則有四明天台皆玄聖之所遊化靈仙之所窟宅夫其
峻極之狀嘉祥之美窮山海之環富盡人神之壯麗矣
所以不列於五嶽闕載於常典者豈不以所立冥奧其

路幽迥或倒影於重溟或匿峰於千嶺始經魑魅之塗
卒踐無人之境舉世罕能登陟王者莫由禋祀故事絕
於常篇名標於奇紀然圖象之興豈虛也哉非夫遺世
翫道絕粒茹芝者焉能輕舉而宅之非夫遠寄冥搜篤
信通神者何肯遙想而存之余所以馳神運思晝詠宵
興俛仰之間若已再升者也方解纓絡永託茲嶺不任
吟想之至聊奮藻以散懷

太虛遼廓而無閼運自然之妙有融而為川瀆結而為

山阜嗟台嶽之所竒挺寔神明之所扶持蔭牛宿以曜峯託
靈越以正基結根彌于華岱直指高於九疑應配天於唐
典齊峻極於周詩邈彼絕域幽邃窈窕近智以守見而不
之之者以路絕而莫曉哂夏蟲之疑冰整輕翮而思矯理
無隱而不彰啓二竒以示兆赤城霞起而建標瀑布飛流
以界道覩靈驗而遂徂忽乎吾之將行仍羽人於丹丘尋
不死之福庭苟台嶺之可攀亦何羨於層城釋域中之常
戀暢超然之高情被毛褐之森森振金策之鈴鈴披荒榛

之蒙龍陟峭嶠之崢嶸濟樛溪而直進落五界而迅征跨
穹窿之懸磴臨萬丈之絕冥踐莓苔之滑石搏壁立之翠
屏攬樛木之長蘿援葛藟之飛莖雖一冒於垂堂乃永存
乎長生必契誠於幽昧履重險而逾平既克濟於九折路
威夷而修通恣心目之寥朗任緩步之從容藉萋萋之
纖草蔭落落之長松覲翔鸞之裔裔聽鳴鳳之嗶嗶過
靈溪而一濯疏煩想於心胸蕩遺塵於旋流發五蓋之
遊蒙追羲農之絕軌躡二老之玄蹤陟降信宿迄於僊

都雙闕雲竦以夾道瓊臺中天而懸居珠閣玲瓏於林
間玉堂陰映於高隅彤雲斐亶以翼櫺曦日炯晃於綺
䟽八桂森挺以凌霜五芝含秀而晨敷惠風佇芳於陽
林醴泉涌溜於陰渠建木滅景於千尋琪樹璀璨而垂
珠玉喬控鶴以冲天應真飛錫以躡虛騁神變之揮霍
忽出有而入無於是遊覽既周體靜心閒害馬已去世
事都捐投刃皆虛目牛無全凝思幽巖朗詠長川爾乃
羲和亭午遊氣高褰法鼓琅以振響衆香馥以揚煙肆